



Uunga  
Inatsisartuni ilaasortaq  
Laura Táunâjik  
Siumut

**Allorfimmi sulisut ilinniarsimasut sulisullu taarseraannerat pillugit § 37 naaper-  
torlugu apeqqummut nr. 2017- 242-mut akissut**

Asasara Laura Táunâjik.

Allorfik pillugu apeqqutigisannut qujanaq.

Akissutigisakka tullinnguuttuni takuneqarsinnaapput.

06-11-2017  
Suliap nr. 2017 - 24565  
Allagaatini nr. 6513538

Postboks 1160  
Oqarasuaat: 34 50 00  
Fax: 34 55 05  
3900 Nuuk  
Email: pn@nanoq.gl  
www.naalakkersuisut.gl

**1. Allorfik Qaqortumi immikkoortortalik qassinik inulerinermut ilinniarsimasunik  
sulisoqarpa?**

Pinngitsuuisinnaannginnermik ilisimasaqarfimmi, Allorfik, maannakkorpiaq sisamanik sulisoqarpoq. Taakku saniatigut siunnersortinik marlunnik aalajangersimasumik sulisoqarpoq, taassuma aappaa sapaatip akunneranut 10 tiimit sulisarpoq aappaalu ukiumut qaammatini marlunni sulisarluni.

Qaqortumi, Nuummi Sisimiunilu katsorsaaviit tamarmik katsorsaasunik pingasunik allatsimillu ataatsimik sulisoqartussasut aaqqissugaapput.

Tamarmik akunnattumik sivisussusilimmik ingerlaqqiffiusumik ilinniagaqarsimasuupput aamma eqqarsartaatsitigut pissusilersuutigisartakkat aallaavigalugit aannagajaarniutinik atornerluisuusunik katsorsaanerup iluani ilinniagaqareersimasuupput imaluunniit ilinniagaqarlutik ingerlatsipput.

**2. Allorfik Qaqortumiittumi sulisut taarseraannerat qanoq akulikitsigaa?**

Sisimiuni katsorsaavik sulisussarsiniarnermik ajornartorsiuteqarsimavoq sulisulli taarseraannerannik ajornartorsiuteqarsimanani. 1. december aallarnerfigalugu katsorsaavik katsorsaasutut piukkunnaateqarluartunik marlunnik atorfinitsitsisussavaoq.

Nuummi katsorsaavik sulisussarsiniarnermik sulisullu taarseraannerannik ajornartorsiuteqarsimangilaq.

Qaqortumi katsorsaavimmi sulisut assut taarseraassimapput maannakkorpiarlu katsorsaavimmi aallaqqaammulli sulisuusut kisimik sulisullutik. Kingullermik sulisumik ataatsimik maj 2017-imi atorfinitsitsisoqarpoq ullorlu 1. november sulisumik allamik atorfinitsitsisoqarniarluni.

**3. Sulisunik taarseraappallaarneq pillugu Naalakkersuisut taarseraannermut  
peqqutaasunik misissuinissaminnut pilersaaruteqarpat?**

Allorfik katsorsaasunut katsorsaanerullu pitsaassusissaanut annertuunik piumasqaateqarpoq.  
Katsorsaasut akunnattumik sivisussusilimmik ingerlaqqiffiusumik ilinniagaqarsimasuu-

nissaat piumasaqaataavoq. Tamatuma saniatigut aanngajaarniutunik atornerluisuusunik katsorsaasuuniaraanni immikkut ittumik inuttut piginnaaneqartoqartariaqarpoq paasinnilluarsinnaassuseqartariaqarlunilu.

Tamanna tunngavigalugu naatsorsuutigineqarpoq, pingaartumik katsorsaaviit sananeqarnerisa nalaanni sulisut taarseraatissasut, soorlu innuttaasunik ajornartorsiuteqartunik suliaqarfiusuni allani, assersuutigalugu ulloq unnuarlu paaqqinnittarfinni inunnillu isumaginnittoqarfinni tamanna ilisimaneqartoq.

Allorfiup ilisimatitsissutigaa sulisussarsiornermi pitsaaneruseqarnerisigut ingerlatsisalernissaq aamma sulisut ataasiakkaat ilinniartinneqarnerat aamma ilitsersorneqarnerat siunnerorneqarnerallu aqputigalugit tapersersorneqarnerissaat sulissutiguarlugit.

Allorfimmi sulisut taarseraannerannut tunngatillugu tigussaasumik suliniuteqarnerisigut pilersaaruteqartoqanngilaq Naalakkersuisullu pissutsinut malinnaapput.

Inussiarnersumik inuulluaqqusillunga  
Med venlig hilsen



Agathe Fontain